


四分律藏

卷三十四

三百四十三  
夫四

50079



元祿九年丙子二月日重脩

皇國聖國 帝階級昌

佛日增輝 懋輪常轉

山城州天安寺法金剛院置

印



四分律藏卷第二十四

姚秦三藏佛陀耶舍共竺佛念譯

第二分三十捨墮法之餘

佛在舍衛國祇樹給孤獨園時偷羅難陀比丘尼有檀越晨朝著衣持鉢詣其家語言我須蘇彼言可尔即買與之既買蘇與而言我不須蘇須油彼言可得彼即往賣酥家語言我不須酥須油其人報言當作買酥法取汝酥當作賣油法與汝油彼檀越即譏嫌言比丘尼無有馱足不知慙愧外自稱言我知正法求酥索油求油索酥如是何有正法若須酥直應索酥須油便應索油若須餘物便應



索餘物時諸比丘尼聞其中有少欲知足行  
頭陀樂學戒知慙愧者呵責偷羅難陀比丘  
尼言云何索酥求油索油求酥時諸比丘尼  
白諸比丘諸比丘往白世尊世尊今時以此  
因緣集比丘僧呵責偷羅難陀比丘尼言汝  
所爲非非威儀非沙門法非淨行非隨順行  
所不應爲汝云何求酥索油求油索酥時世  
尊以無數方便呵責偷羅難陀比丘尼已告  
諸比丘此偷羅難陀比丘尼多種有漏處最  
初犯戒自今已去與比丘尼結戒集十句義  
乃至正法久住欲說戒者當如是說若比丘  
尼欲索是更索被者尼薩耆波逸提比丘尼



義如上欲索是更索彼者求酥已更求油索  
油已更索酥若求餘物亦如是若比丘尼欲  
索是更索彼者尼薩耆波逸提此尼薩耆應  
捨與尼僧若衆多人若一人不得別衆捨若  
捨不成捨突吉羅若欲捨時應往僧中徧露右  
肩脫革屣禮僧足已右膝著地合掌作如是  
言大姊僧聽我某甲比丘尼索是更索犯  
捨墮今捨與僧捨已應懺悔前受懺人白已  
然後受懺作如是白大姊僧聽此某甲比丘尼  
索是更索彼犯捨墮今捨與僧若僧時到僧  
忍聽聽我受某甲比丘尼懺白如是應如是  
白已受彼懺語彼言自責汝心荅言尔比丘

尼僧即應還彼比丘尼捨物白二羯磨應如  
是與僧中應差堪能羯磨者如上當如是白  
大姊僧聽此某甲比丘尼索是更索彼犯捨  
墮今捨與僧若僧時到僧忍聽持此捨物還  
某甲比丘尼白如是大姊僧聽此某甲比丘  
尼索是更索彼犯捨墮今捨與僧僧持此捨  
物還某甲比丘尼誰諸大姊忍僧還某甲比  
丘尼捨物者默然誰不忍者說僧已忍還某  
甲比丘尼捨物竟僧忍默然故是事如是持  
捨物竟不還者突吉羅若還時有人教言莫  
還者突吉羅若不還轉作淨施若遣與人若  
故壞若燒若作非物若數數用一切突吉羅



比丘突吉羅式又摩那沙彌沙彌尼突吉羅  
是謂爲犯不犯者若須酥索酥若須油索油  
若須餘物便索餘物若從親里索從出家人  
索若爲彼彼爲己索若不求而得不犯不犯  
者最初未制戒癡狂心亂痛惱所纏十九  
爾時佛在舍衛國祇樹給孤獨園時有衆多

比丘尼於露地說戒有居士見問言阿姨何  
故露地說戒無有說戒堂耶荅言無若與堂  
直能作堂不荅言能即與作說戒堂物時諸  
比丘尼便作是念我曹說戒時趣得處便坐  
說戒衣服難得應具五衣我今寧可持此物  
賀衣共分即便賀衣共分後於異時諸比丘

尼故在露地說戒彼居士見即問言何以故  
在露地說戒無有堂耶荅言無居士言我前  
所與說戒堂物作何等荅言無所作復問所  
由不作比丘尼語言我等作是念我趣得坐  
處便可說戒衣服難得應具五衣我等寧可  
持此物賀衣即以此物賀衣共分時彼居士  
譏嫌言此比丘尼等不知慙愧受取無厭外  
自稱言我知正法如是有何正法以我堂物  
賀衣共分謂我不知衣服難得當具五衣耶  
如佛所說能造第一福者作好房施四方僧  
是時諸比丘尼聞中有少欲知足行頭陀樂  
學戒知慙愧者呵責彼比丘尼云何汝等居



士施作說戒堂物而貧衣共分諸比丘白  
諸比丘諸比丘往白世尊世尊亦時以此因  
緣集比丘僧呵責彼比丘尼汝所爲非非威  
儀非沙門法非淨行非隨順行所不應爲云  
何比丘尼以居士作堂物貧衣共分時世尊  
以無數方便呵責彼比丘尼已告諸比丘彼  
比丘尼多種有漏處最初犯戒自今已去與  
比丘尼結戒集十句義乃至正法久住欲說  
戒者當如是說若比丘尼知檀越所爲僧施  
異迴作餘用者尼薩耆波逸提比丘尼義如  
上所爲僧施異者與作說戒堂用作衣與作  
衣用作說戒堂與此處乃彼處用僧物爲僧

屬僧僧物者已許僧為僧者為僧作而未許  
僧屬僧者已許與僧已捨與僧若比丘尼知  
檀越所為僧施異迴作餘用尼薩耆波逸提  
此尼薩耆應捨與僧若衆多人若一人不得  
別衆捨若捨不成捨突吉羅捨與僧時往僧  
中偏露右肩脫革屣禮上座足已右膝著地合  
掌作是語大姊僧聽我某甲比丘尼所為僧  
施異而迴作餘用犯捨墮今捨與僧捨已當  
懺悔前受懺人當白已然後受懺如是白大  
姊僧聽此某甲比丘尼所為僧施異而迴作  
餘用犯捨墮今捨與僧若僧時到僧忍聽我  
受某甲比丘尼懺白如是作此白已然後受



懺當語彼人言自責汝心荅言小僧即應還  
此比丘尼衣作白二羯磨應如是與僧中應  
差堪能作羯磨者如上當作如是白大姊僧  
聽此某甲比丘尼所爲僧施異迴作餘用犯  
捨墮今捨與僧若僧時到僧忍聽還某甲比  
丘尼衣白如是大姊僧聽此某甲比丘尼所  
爲僧施異迴作餘用犯捨墮今捨與僧誰諸  
大姊忍僧還此某甲比丘尼衣者默然誰不  
忍者說僧已忍還某甲比丘尼衣竟僧忍默  
然故是事如是持於僧中捨衣竟不還者突  
吉羅還時若有人教言莫還者突吉羅若受  
作五衣若轉作淨施若作餘用若遣與人若

故壞若燒若作非衣若數數著一切突吉羅  
比丘突吉羅式又摩那沙弥沙弥尼突吉羅  
是謂為犯不犯者若問主用隨所分處用若與  
物時語言隨意用不犯不犯者最初未制戒  
癡狂心亂痛惱所纏

竟二十

尔時佛在舍衛國祇樹給孤獨園時安隱比  
丘尼欲來詣舍衛國先舊住比丘尼聞安隱  
比丘尼當來為往詣家家乞求大得財物飲  
食至期日而彼比丘尼竟不到舊住比丘尼  
等自相謂言我等與安隱比丘尼共期至舍  
衛國而彼不到比丘尼衣服難得應辦五衣  
我等寧可取此物贖衣共分即作五衣分之



於異時安隱比丘尼來至舍衛國夜過已到  
時著衣持鉢入舍衛城乞食時諸居士見即  
問阿姨何所求索荅言乞食又問衆僧無食  
耶荅言無後日居士至舊比丘尼所問言我  
等先各各出物爲供給安隱比丘尼爲作食  
不荅言不作問言何故不作荅言我先與安  
隱比丘尼共期來至舍衛國而彼不至我等  
作是念與安隱共期至舍衛國而彼不到比  
丘尼衣服難得應辦五衣我等寧可以此物  
賀衣共分即便賀衣共分時居士皆共譏嫌  
言此諸比丘尼無有慙愧受取無狀外自稱  
言我知正法云何先爲安隱比丘尼各各出

物作飲食而後賀衣共分。如是何有正法。我等亦知比丘尼衣服難得。應具五衣。而我等所以施者。正為安隱。遠至供給飲食耳。時諸比丘尼聞。其中有少欲知足。行頭陀樂學戒。知慙愧者。呵責彼比丘尼。汝等云何居士施物為供給。安隱比丘尼。作食。乃賀衣。而共分。耶時比丘尼往白諸比丘。諸比丘往白世尊。世尊。爾時以此因緣。集比丘僧。呵責彼比丘尼。汝所為非。非威儀。非沙門法。非淨行。非隨順行。所不應為。云何比丘尼居士施物供給。安隱比丘尼。作食。而乃賀衣。共分。時世尊以無數方便。呵責彼比丘尼。已告諸比丘。彼比



比丘尼多種有漏處。最初犯戒自今已去。與比丘尼結戒集十句義。乃至正法久住。欲說戒者。當如是說。若比丘尼所為施物。異自求為僧迴作餘用者。尼薩耆波逸提。比丘尼義如上所為施異者。若為食施用。作衣為衣施用。作食若為餘處。乃更為餘處用。自求者處處求僧物者。如上說。若比丘尼所為施物。異自求為僧迴作餘用者。尼薩耆波逸提。此尼薩耆應捨捨與僧。如上法捨已懺悔。如上僧即應還彼捨衣。白二羯磨還。如上。若不還受作五衣。乃至作非衣數數者。一切突吉羅如上。比丘突吉羅。式叉摩那沙彌沙彌尼突吉羅。

是謂為犯不犯者語居士隨意用若居士與  
物已語言隨意用不犯不犯者最初未制戒  
癡狂心亂痛惱所纏

二十  
一竟

尔時婆伽婆在舍衛國祇樹給孤獨園時安  
隱比丘尼有居士為檀越到時著衣持鉢至  
其家敷座而坐時居士問訊住止安樂不答  
言不安樂問言何故尔答言所止處慣鬧是  
故不安樂即問無別房耶答言無若與舍直  
能作舍不答言能彼即以舍直與之時彼此  
比丘尼作是念設作舍者多諸事務比丘尼衣  
服難得應辦五衣我今寧可以此舍直賀衣  
耶即便賀衣後異時安隱比丘尼著衣持鉢



至居士家就座而坐居士問言阿姨任止安樂不荅言不安樂問言何以不安樂荅言所止處憤鬧故不安樂即問言無別房耶荅言無復問前所與舍直竟不作舍耶荅言不作復問何以故不作荅言我自作是念若以此物作舍者多諸事務比丘尼衣服難得應辦五衣即以此物賀衣時居士譏嫌言此比丘尼受無馱足外自稱言我知正法如是何有正法我與舍直作舍而乃用賀衣我豈不知比丘尼衣服難得應具五衣耶但我等聞世尊所說最初第一福者作房施四方僧也時諸比丘尼聞中有少欲知足行頭陀樂學戒

知慙愧者呵責安隱言汝云何檀越與物作  
房舍乃用作衣諸比丘尼白諸比丘諸比丘  
往白世尊世尊亦時以此因緣集比丘僧呵  
責安隱比丘尼汝所爲非非威儀非沙門法  
非淨行非隨順行所不應爲云何檀越與物  
作屋乃用作衣時世尊以無數方便呵責已  
告諸比丘安隱比丘尼多種有漏處最初犯  
戒自今已去與比丘尼結戒集十句義乃至  
正法久住欲說戒者當如是說若比丘尼檀  
越所施物異迴作餘用者尼薩耆波逸提比  
丘尼義如上所爲施物異者作別房用作衣  
施作衣用作別房若爲餘處施乃餘處用若



比丘尼所為施物異作別房迴作餘用者尼  
薩耆波逸提此尼薩耆應捨與僧如上法捨  
竟懺悔如上僧即應還彼捨衣白二羯磨還  
如上若不還受作五衣乃至作非衣若數數  
著一切突吉羅比丘突吉羅式叉摩那沙弥  
沙弥尼突吉羅是謂為犯不犯者問檀越用  
隨檀越處分用若與時語言隨意用若親厚  
人語言隨意用我當語主不犯不犯者最初  
未制戒癡狂心亂痛惱所纏二十  
二竟

尔時婆伽婆在舍衛國祇樹給孤獨園時衆  
多比丘尼為作房舍故人間乞求處處乞索  
多得財物諸比丘尼即自念言若我以此物

作屋者多諸事故比丘尼衣服難得應辦五  
衣我等今寧可以此物用貧衣共分念已貧  
衣共分後於異時諸居士問言前與物作舍  
者竟作舍不答言不作問言何以故不作答  
言我等自念設作屋者多諸事故比丘尼衣  
服難得應具五衣我等寧可以此物貧衣共  
分念已即貧衣共分時諸居士聞已皆譏嫌  
言此諸比丘尼受取無厭外自稱言我知正  
法如是何有正法以我等舍直貧衣共分我  
等豈不知比丘尼衣服難得應具五衣耶但  
我等聞世尊所說最第一福者作房施四方  
僧是諸比丘尼聞其中有少欲知足行頭陀



樂學戒知慙愧者呵責彼比丘尼汝等云何以他舍直賀衣共分諸比丘尼往白諸比丘諸比丘往白世尊世尊亦時以此因緣集比丘僧呵責諸比丘尼汝所爲非非威儀非沙門法非淨行非隨順行所不應爲云何比丘尼檀越與舍直賀衣共分以無數方便呵責諸比丘尼已告諸比丘彼諸比丘尼癡人多一種有漏處最初犯戒自今已去與比丘尼結戒集十句義乃至正法久住欲說戒者當如是說若比丘尼檀越所爲施物異自求爲僧迴作餘用尼薩耆波逸提比丘尼義如上所爲施物異者施與作僧房用作衣施作衣用

作僧房若為餘處施乃餘處用自求者自處  
處乞求為僧者僧物如上說若比丘尼所為  
施物異自求為僧迴作餘用者尼薩耆波逸  
提此尼薩耆應捨捨與僧如上法捨已懺悔  
如上僧即應還彼捨衣作白二羯磨還如上  
若不還受作五衣乃至作非衣數數著一切  
突吉羅如上比丘突吉羅式又摩那沙彌沙  
彌尼突吉羅是謂為犯不犯者若問物主隨  
物主處分用若與物時語言隨意用若是親  
厚者語言隨意用我當語主不犯不犯者最  
初未制戒癡狂心亂痛惱所纏二十  
三竟  
今時婆伽婆在舍衛國祇樹給孤獨園時六



羣比丘尼受持好色鉢故者留置彼畜多鉢  
而不洗浴獮藉在地諸居士詣寺觀看見已  
譏嫌言此比丘尼受取無厭外自稱言我知  
正法如是何有正法多畜好色鉢故鉢獮藉  
在地與瓦肆無異諸比丘尼聞其中有少欲  
知足行頭陀樂學戒知慙愧者呵責六羣比  
丘尼汝云何多畜好色鉢故鉢不洗浴獮藉  
在地諸比丘尼往白諸比丘諸比丘白世尊  
世尊亦時以此因緣集比丘僧呵責六羣比  
丘尼汝所爲非非威儀非沙門法非淨行非  
隨順行所不應爲云何六羣比丘尼受持好  
色鉢故者不洗浴獮藉在地時世尊以無數

方便呵責六羣比丘尼已告諸比丘此六羣  
比丘尼多種有漏處最初犯戒自今已去與  
比丘尼結戒集十句義乃至正法久住欲說  
戒者當如是說若比丘尼畜長鉢尼薩耆波  
逸提比丘尼義如上彼比丘尼即日得鉢即  
日應受持一鉢餘者當淨施若遣與人若比  
丘尼畜長鉢尼薩耆波逸提此尼薩耆應捨  
與僧如上法捨竟懺悔如上僧即應還彼捨  
鉢作白二羯磨還如上若不還乃至非鉢用  
一切突吉羅如上式叉摩那沙彌沙彌尼突  
吉羅是謂為犯不犯者即日得鉢即日受一  
鉢餘鉢淨施或遣與人若奪想若失想若破



想若漂想不淨施不遣與人不犯若奪鉢若失鉢若破鉢若漂鉢若自取用若他與用不犯若所寄鉢者命終若遠行若休道若為賊所將去若遇惡獸難為水所漂不作淨施不遣與人不犯不犯者最初未制戒癡狂心亂痛惱所纏

二  
十  
四  
竟

亦時婆伽婆在舍衛國祇樹給孤獨園時六群比丘尼多畜好色器不好者留置彼畜如是多器不洗治料理狼藉在地時有衆多居士詣諸寺觀看見已譏嫌言此六羣比丘尼受取無厭不知慙愧外自稱言我知正法如是。何有正法多畜器狼藉在地如瓦肆無異

諸比丘尼聞其中有少欲知足行頭陀樂學  
戒知慙愧者呵責六羣比丘尼云何汝等多  
畜器蕝藉在地時諸比丘尼往白諸比丘諸  
比丘往白世尊世尊亦時以此因緣集比丘  
僧呵責六羣比丘尼汝等所爲非非威儀非  
沙門法非淨行非隨順行所不應爲云何六  
羣比丘尼多畜器蕝藉在地時世尊以無數  
方便呵責六羣比丘尼已告諸比丘此六羣  
比丘尼多種有漏處最初犯戒自今已去與  
比丘尼結戒集十句義乃至正法久住欲說  
戒者當如是說若比丘尼多畜好色器者尼  
薩耆波逸提比丘尼義如上彼比丘尼即日



得器應即日受可須用者十六枚餘者當淨  
施若遣與人十六者大釜釜蓋大瓮及杓小  
釜釜蓋小瓮及杓水瓶瓶蓋瓮及杓洗瓶瓶  
蓋瓮及杓若比丘尼畜多器者尼薩耆波逸  
提此尼薩耆應捨捨與僧如上捨竟懺悔如  
上法僧即應還彼捨器白二羯磨還如上若  
僧不還乃至數數用一切突吉羅如上比丘  
突吉羅式又摩那沙彌沙彌尼突吉羅是謂  
爲犯不犯者即日得器當受十六枚餘者當  
淨施若遣與人若作奪想若失想若破想若  
漂想不作淨不遣與人不犯若奪器若失器  
若破器若漂器若取自用若他與器用若彼

所寄器比丘尼命終若休道若遠行若賊將  
去若惡獸難若水漂不作淨不遣與人不犯  
不犯者最初未制戒癡狂心亂痛惱所纏二十  
尔時婆伽婆在舍衛國祇樹給孤獨園時諸  
比丘尼月期水出汗身衣坐具諸比丘尼白  
諸比丘諸比丘往白佛佛言聽著遮月水衣  
若脫聽安帶月水猶從兩邊出汗衣更聽作  
病衣重著外著涅槃僧若至白衣舍應語言  
我有病若白衣語但坐無苦彼比丘尼當寒  
涅槃僧以此病衣遮身坐時有栴檀輸那比  
丘尼常自謂無有欲想語餘一比丘尼言汝  
若月水出時從我取此衣彼報言可尔餘比



丘尼常望此衣更不辦衣於異時栴檀輸那  
比丘尼月期水出餘比丘尼亦月期水出時  
餘比丘尼遣使詣栴檀輸那比丘尼所語言  
前許我病衣今可見與荅言妹我今亦月期  
水出不得相與彼比丘尼嫌責栴檀輸那比  
丘尼言前語我若月期水出從我取病衣我  
常望得衣不自辦衣而今往索不與我耶諸  
比丘尼聞其中有少欲知足行頭陀樂學戒  
知慙愧者嫌責栴檀輸那比丘尼汝云何許  
彼比丘尼病衣使不自辦衣今索不與時諸  
比丘尼往白諸比丘諸比丘往白世尊世尊  
亦時以此因緣集比丘僧呵責栴檀輸那比

立尼汝所爲非非威儀非沙門法非淨行非  
隨順行所不應爲云何旃檀輸那比丘尼許  
彼病衣使不自辦今索不與以無數方便呵  
責旃檀輸那比丘尼已告諸比丘旃檀輸那  
比丘尼多種有漏處最初犯戒自今已去與  
比丘尼結戒集十句義乃至正法久住欲說  
戒者當如是說若比丘尼許比丘尼病衣後  
不與者尼薩耆波逸提比丘尼義如上病衣  
者月水出時遮內身上著涅槃僧衣者有十  
種衣如上彼比丘尼許彼病衣不與者尼薩  
耆波逸提除病衣已許餘衣不與者突吉羅  
除餘衣已許餘所須物不與者突吉羅若比



比丘許比丘尼病衣後不與尼薩耆波逸提  
此尼薩耆應捨與僧如上捨已懺悔如上僧  
即當還彼捨衣如上若不還受作五衣乃至  
數數用一切突吉羅如上比丘突吉羅式又  
摩那沙彌沙彌尼突吉羅是謂爲犯不犯者  
許病衣與若無病衣若作病衣若浣染打舉  
在牢處求不與無犯彼比丘尼或破戒或破  
見破威儀若被舉若滅擯若應滅擯若由此  
因緣命難梵行難許病衣不與不犯不犯者  
最初未制戒癡狂心亂痛惱所纏二十  
六竟  
尔時婆伽婆在舍衛國祇樹給孤獨園時六  
羣比丘尼以非時衣受作時衣諸比丘尼見

語言世尊許比丘尼畜五衣此衣是誰衣荅  
言是我等時衣即語言妹今是時非時時諸  
比丘尼聞其中有少欲知足行頭陀樂學戒  
知慙愧者嫌責六羣比丘尼云何汝等以非  
時衣受作時衣諸比丘尼白諸比丘諸比丘  
往白世尊世尊亦時以此因緣集比丘僧呵  
責六羣比丘尼汝所爲非非威儀非沙門法  
非淨行非隨順行所不應爲云何六羣比丘  
尼以非時衣受作時衣時世尊以無數方便  
呵責六羣比丘尼已告諸比丘此六羣比丘  
尼多種有漏處最初犯戒自今已去與比丘  
尼結戒集十句義乃至正法久住欲說戒者



當如是說若比丘尼以非時衣受作時衣者  
尼薩耆彼逸提比丘尼義如上時者安居竟  
無迦絺那衣一月有迦絺那衣五月非時者  
除此於餘時得長衣是衣者有十種衣如上  
若比丘尼以此非時衣受作時衣者尼薩耆  
彼逸提此尼薩耆應捨捨與僧如上捨竟懺  
悔如上僧即應還彼所捨衣白二羯磨還如  
上若不還受作五衣若乃至數數著一切突  
吉羅如上比丘突吉羅式又摩那沙彌沙彌  
尼突吉羅是謂爲犯不犯者非時衣受作非  
時衣時衣受作時衣不犯不犯者最初未制  
戒癡狂心亂痛惱所纏

尔時婆伽婆在舍衛國祇樹給孤獨園時偷  
羅難陀比丘尼與比丘尼賀衣後瞋恚還奪  
取衣還我衣來我不與汝汝衣屬汝我衣屬  
我汝自取汝衣我自取我衣時諸比丘尼聞  
其中有少欲知足行頭陀樂學戒知慙愧者  
嫌責偷羅難陀比丘尼汝云何與比丘尼賀  
衣後瞋恚還自奪取妹還我衣來我不與汝  
汝衣屬汝我衣屬我汝自取汝衣我自取我  
衣時諸比丘尼往白諸比丘諸比丘往白世  
尊出世今時以此因緣集比丘僧呵責偷羅  
難陀比丘尼汝所為非非威儀非淨行非沙  
門法所不應為云何偷羅難陀比丘尼與比



比丘尼。賀衣後。瞋恚還奪耶。以無數方便呵責。偷羅難陀比丘尼。已告諸比丘。此偷羅難陀比丘尼。多種有漏處。最初犯戒。自今已去。與比丘尼結戒集十句義。乃至正法久住。欲說戒者。當如是說。若比丘尼與比丘尼。賀易衣後。瞋恚還自奪取。若使人奪妹。還我衣來。我不與汝。汝衣屬汝。我衣還我者。尼薩耆波逸提。比丘尼義如上。衣者十種衣。如上。賀易者。或以衣賀衣。或以衣賀非衣。或以非衣賀衣。若以非衣賀非衣。若針若刀。若縷若碎段物。乃至一丸藥。彼比丘尼與比丘尼。賀衣後。瞋恚自奪。若教人奪。藏者。尼薩耆波逸提。奪而

不藏者突吉羅若彼得衣者舉樹上墻上樹  
上若櫬上象牙杙上衣架上若繩牀上木牀  
上大小蓐上若地敷上若取離處尼薩耆取  
而不離處突吉羅此尼薩耆當捨捨與僧如  
上捨已懺悔如上僧即應當還彼衣白二羯  
磨還如上若不還受作五衣乃至數數著一  
切突吉羅如上比丘突吉羅式又摩那沙弥  
沙弥尼突吉羅是謂爲犯不犯者和喻語妹  
我悔還我衣彼知有悔意還衣若有餘比丘  
尼語言此比丘尼欲悔汝還衣或彼借者無  
道理故還取若豫知當失若恐壞若彼人破  
戒若破見若破威儀若被舉若滅擯若應滅



擯若為此事命難梵行難奪而不藏者不犯  
不犯者最初未制戒癡狂心亂痛惱所纏二十  
介時婆伽婆在毗舍離狝猴江側高閣講堂八竟  
上時毗舍離黎奢有因緣應從一居士得財  
物時有比丘尼名迦羅常出入此居士家以  
為檀越時黎奢語迦羅言我欲及阿姨一財  
物事報言可尔即為辦其事彼得財物歡喜  
問言阿姨欲須何物報言止此便為供養我  
已彼復問言阿姨若有所須便說報言且止  
何須說正使我有須俱不見與居士報言  
但說所須我當相與彼即指示一衣價直千  
張氎言我須如是衣時居士皆共譏嫌言比

比丘尼受取無厭外自稱言我知正法如是何  
有正法云何乃索價直千張氎衣正使檀越  
施與猶應知足彼即持與復作是語若我往  
者足自辦此事可不失此衣時跋陀迦毗羅  
比丘尼至親里家就座而坐諸居士問言阿  
姨何所須欲報言且止便爲供養我已復語  
言但說欲須何物報言何須說正使欲有所  
須俱不見與報言當與非爲不與但說欲須  
何物彼即指示價直千張氎衣我須此衣時  
諸居士譏嫌言比丘尼受取無厭外自稱言  
我知正法如是何有正法乃索價直千張氎  
衣正使檀越施與猶應知足即與衣已語言



比丘尼何用此貴價衣爲時諸比丘尼聞其中  
中有少欲知足行頭陀樂學戒知慙愧者嫌  
責跋陀迦毗羅比丘尼云何比丘尼乃從彼  
索價直千張氎衣時諸比丘尼往白諸比丘  
諸比丘往白世尊世尊亦時以此因緣集比  
丘僧呵責迦羅跋陀迦毗羅比丘尼汝所爲  
非非威儀非沙門法非淨行非隨順行所不  
應爲云何乃從彼索價直千張氎衣時世尊  
以無數方便呵責已告諸比丘此迦羅跋陀  
迦毗羅比丘尼多種有漏處最初犯戒自今  
已去與比丘尼結戒集十句義乃至正法久  
住欲說戒者當如是說若比丘尼乞重衣齊

價直四張氎過者尼薩耆波逸提比丘尼義  
如上重衣者障寒衣也衣者十種如上若比  
丘尼求重衣時極至十六條若比丘尼求重  
衣價過四張氎者尼薩耆波逸提此尼薩耆  
當捨與僧如上捨衣竟懺悔如上法僧即應  
還彼比丘尼衣作白二羯磨與如上僧若不  
還若受作五衣乃至數數者一切突吉羅如  
上比丘突吉羅式又摩那沙彌沙彌尼突吉  
羅是謂爲犯不犯者索齊四張氎若減若從  
出家人乞若彼爲己己爲彼若不索而自得  
不犯不犯者最初未制戒癡狂心亂痛惱所

纏

二十九竟



尔時婆伽婆在毗舍離時毗舍離黎奢有因緣應從一居士得財物有一迦羅比丘尼常出入其家以爲檀越時黎奢語此迦羅比丘尼言阿姨我欲及一財物事能爲我辦不答言能即爲辦之彼得財物歡喜語言阿姨欲得何物報言止此便爲供養我已彼復語言若有所須便說報言且止正使我有所須俱不見與彼報言當與非爲不與但說即指示一輕衣價直五百張氎語言我須如是衣時居士皆共譏嫌言比丘尼受取無厭外自稱言我知正法如是有何正法乃索價直五百張氎衣正使檀越施與猶應知足即持衣與

已如是言若我往者自足辦事乃不失此衣  
時有跋陀迦毗羅比丘尼還至親里家就座  
而坐時居士問言阿姨欲須何物報言且止  
便爲供養我已復言但說無苦欲須何物報  
言止不須說正使欲有所須俱不見與報言  
當與非爲不與欲須何物即指示直五百張  
氎輕衣言我須此衣時彼居士譏嫌言此比  
丘尼受取無厭外自稱言我知正法如有  
何正法乃索直五百張氎輕衣正使擅越施  
與猶應知足即與衣已便言比丘尼何用此  
貴價衣爲時諸比丘尼聞其中有少欲知足  
行頭陀樂學戒知慙愧者嫌責迦羅跋陀迦



毗羅比丘尼云何乃從彼索直五百張氎輕  
衣時諸比丘尼往白諸比丘諸比丘往白出  
尊世尊亦時以此因緣集比丘僧呵責迦羅  
跋陀迦毗羅比丘尼汝所爲非非威儀非沙  
門法非淨行非隨順行所不應爲云何汝等  
比丘尼乃從彼索價直五百張氎輕衣時世  
尊以無數方便呵責已告諸比丘此迦羅跋  
陀迦毗羅比丘尼多種有漏處最初犯戒自  
今已去與比丘尼結戒集十句義乃至正法  
久住欲說戒者當如是說若比丘尼欲乞輕  
衣極至價直兩張半氎過者尼薩耆波逸提  
比丘尼義如上輕衣者障熱衣者有十種

如上若比丘尼乞輕衣時極至齊十條若比丘尼乞輕衣過二張半毳尼薩耆波逸提此尼薩耆應捨捨與僧如上捨竟懺悔如上法僧即應還彼捨衣白二羯磨還如上若不還若受作五衣乃至作非衣數數著一切突吉羅如上比丘突吉羅式又摩那沙沙弥沙弥尼突吉羅是謂為犯不犯者乞價直兩張半毳若減二張半若從出家者乞若為他乞他為己乞不乞而得不犯不犯者最初未制戒癡

狂心亂痛惱所纏

竟三十

第二分一百七十八單提法四

尔時婆伽婆在釋翅搜迦維羅衛國尼俱律



園中時世尊以此因緣集諸比丘告言自今  
已去與比丘尼結戒集十句義乃至正法久  
住欲說戒者當如是說若比丘尼故妄語者  
波逸提一

若比丘尼毀些語波逸提二

若比丘尼兩舌語波逸提三

若比丘尼與男子同室宿者波逸提四

若比丘尼共未受戒女人同一室宿若過三

宿波逸提五

若比丘尼與未受戒人共誦法者波逸提六

若比丘尼知他有麁惡罪向未受大戒人說

除僧羯磨波逸提七

若比丘尼向未受大戒人說過人法言我知  
是我見是實者波逸提八

若比丘尼與男子說法過五六語除有智女  
人波逸提九

若比丘尼自掘地若教人掘波逸提十

若比丘尼壞鬼神村波逸提十一

若比丘尼妄作異語惱他者波逸提十二

若比丘尼嫌罵者波逸提十三

若比丘尼取僧繩牀若木牀若卧具坐蓐露  
地自敷若教人敷捨去不自舉不教人舉波

逸提十四

若比丘尼於僧房中取僧卧具自敷若教人



敷在中若坐若卧從彼處捨去不自舉不教  
人舉者波逸提 十五

若比丘尼知比丘尼先住處後來於中間敷  
卧具止宿念言彼若嫌窄者自當避我去作  
如是因緣非餘非威儀波逸提 十六

若比丘尼瞋他比丘尼不喜衆僧房中自牽  
出若教人牽出者波逸提 十七

若比丘尼若在重閣上脫脚繩牀若木床若  
坐若卧波逸提 十八

若比丘尼知水有虫自用澆泥若草若教人  
澆者波逸提 十九

若比丘尼作大房戶扉窓牖及餘莊飾具指

授覆苦齋二三節若過者波逸提二十

若比丘尼施一食處無病比丘尼應一食若

過受者波逸提二十

若比丘尼別眾食除餘時波逸提餘時者病

時作衣時若施衣時行道時船上時大會時

沙門施食時此是時二十

若比丘尼至檀越家慇懃請與餅麩食比丘

尼欲須者二三鉢應受持至寺內分與諸比

丘尼食若比丘尼無病過三鉢受持至寺中

不分與餘比丘尼食波逸提二十

若比丘尼非時食者波逸提二十

若比丘尼殘宿食噉波逸提二十

五



若比丘尼不受食及藥著口中除水及楊枝

波逸提

二十

若比丘尼先受請已若前食後食行詣餘家

不嚼餘比丘尼除餘時波逸提餘時者病時

作衣時施衣時此是時

二十

若比丘尼食家中有寶強安坐波逸提

二十

若比丘尼食家中有寶在屏處坐波逸提

二十

若比丘尼獨與男子露地一處共坐者波逸

提

三十

若比丘尼語比丘尼如是語大姊共汝至聚

落當與汝食彼比丘尼竟不教與是比丘尼

食如是言大姊去我與汝一處共坐共語不

樂我獨坐獨語樂以是因緣非餘方便遣去  
波逸提一三十

請比丘尼四月與藥無病比丘尼應受若過  
受除常請更請分請盡形請波逸提二三十

若比丘尼往觀軍陣除時因緣波逸提三三十  
若比丘尼有因緣至軍中若二宿三宿過者

波逸提四三十

若比丘尼軍中若二宿三宿時或觀軍陣闕  
戰若觀遊軍象馬勢力波逸提五三十

若比丘尼飲酒波逸提六三十

若比丘尼水中戲者波逸提七三十

若比丘尼以指相擊摩他比丘尼者波逸提八三十



若比丘尼不受諫者波逸提

三十九

若比丘尼恐怖他比丘尼者波逸提

十四

若比丘尼半月洗浴無病比丘尼應受若過

受除餘時波逸提餘時者熱時病時作時大

風時雨時遠行來時此是時

四十一

若比丘尼無病為灸故露地然火若教人然

除餘時波逸提

四十一

若比丘尼藏比丘尼若鉢若衣若坐具針筒

自藏教人藏下至戲笑波逸提

四十三

若比丘尼淨施比丘比丘尼式叉摩那沙彌

沙彌尼衣後不問主取者者波逸提

四十四

若比丘尼得新衣當作三種染壞色青黑木

蘭若比丘尼得新衣不作三種染壞色青黑

木蘭新衣持者波逸提

四十五

若比丘尼故斷畜生命者波逸提

四十六

若比丘尼知水有虫飲者波逸提

四十七

若比丘尼故惱他比丘尼乃至少時不樂波

逸提

四十八

若比丘尼知比丘尼有麁罪覆藏者波逸提

四十九

若比丘尼知諍事如法懺悔已後更發舉者

波逸提

五十

若比丘尼知是賊伴共一道行乃至聚落波

逸提

五十一



若比丘尼作如是語我知佛所說法行婬欲  
非是障道法彼比丘尼諫此比丘尼言大姉  
莫作是語莫謗世尊謗世尊者不善世尊不  
作是語世尊無數方便說婬欲是障道法犯  
婬者是障道法彼比丘尼諫此比丘尼時堅持  
不捨彼比丘尼乃至三諫令捨是事乃至三

諫時捨者善不捨波逸提

五十二

若比丘尼知如是語人未作法如是惡邪不

捨若畜畜同一羯磨同一止宿波逸提

五十三

若沙彌尼如是言我知佛所說法行婬欲非  
障道法彼比丘尼諫此沙彌尼言汝莫作是  
語莫誹謗世尊誹謗世尊不善世尊不作是

語沙彌尼世尊無數方便說婬欲是障道法  
犯婬者是障道法彼比丘尼諫此沙彌尼時  
堅持不捨彼比丘尼應乃至三呵諫捨此事  
故乃至三諫時若捨者善不捨者彼比丘尼  
應語是沙彌尼言汝自今已去非佛弟子不  
得隨餘比丘尼如諸沙彌尼得與比丘尼二  
宿汝今無是事汝去滅去不須此中住若比  
丘尼知如是擯沙彌尼若畜共同止宿波逸  
提

四五十

若比丘尼如法諫時作如是語我今不學是  
戒乃至問有知智慧持律者當難問波逸提  
若爲求解應難問

五十五



若比丘尼說戒時如是語大姊用說是雜碎戒  
為說是戒時令人煩惱懷疑輕毀戒故波逸  
提五十六

若比丘尼說戒時作如是語大姊我今始知  
是戒半月半月說戒經來餘比丘尼知是比  
丘尼若二若三說戒中坐何況多彼比丘尼

無知無解若犯罪應如法治更重增無知法  
大姊汝無利得不善汝說戒時不用心念不  
一心兩耳聽法彼無知故波逸提五十七

若比丘尼共同羯磨已後作如是說諸比丘  
尼隨親厚以眾僧物與者波逸提五十八

若比丘尼僧斷事時不與欲而起去者波逸

提

五十九

若比丘尼與欲竟後更呵波逸提

六十

若比丘尼比丘尼共闍諍後聽此語已而向

彼說波逸提

六十一

若比丘尼瞋恚故不喜打彼比丘尼者波逸

提

六十二

若比丘尼瞋恚故不喜以手搏比丘尼者波

逸提

六十三

若比丘尼瞋恚故不喜以無根僧伽婆尸沙

謗者波逸提

六十四

若比丘尼剝利水澆頭王王未出未藏寶若

入過宮門闕者波逸提

六十五



若比丘尼捉寶及寶莊飾自捉若教人捉除僧  
伽藍中及寄宿處波逸提若僧伽藍中若寄  
宿處若寶若以寶莊飾自捉若教人捉若識  
者當取如是因緣非餘六十

若比丘尼非時入聚落又不嚼比丘尼波逸  
提六十

若比丘尼作繩床若木床足應高八指除入  
陛孔上若截竟過者波逸提六十

若比丘尼持兜羅綿貯作繩床木床若卧具  
坐具波逸提九十

四分律藏卷第二十四

夫

索索

二同史貴

訖訖

音信

憤歸

上俱

妹反

料

理寮

上音

枚

音

釜

父音

杓

反時約

摘籬

下音離

掇

反渠月

杖

音

蓐

音

翅

瘦

施上音

些

些

音紫

澆塗

反上占

堯

字

戶扉

非下音

窓

牖

酉下音

覆

苦

失上音

副

擊

下反

泥

下音

誹

謗

上非

沸

二音

手

搏

下音

闕

又于力

反

反

陛

樅

二蒲

米反

兜

羅

侯上反

丁

反

反

域



